

Sin-o si Jesucristo? (Bahin 1)

Ginbase sa kapitulo 4 sang *Ano Gid ang Ginatudlo sang Biblia?* nga makita sa jw.org/hil.

KATUYUAN: Mabinagbinag ang imo mga ginapatihan kag kon ngaa ginapatihan mo ini, mausisa ang ginatudlo sang Biblia, kag makita kon paano mo mapaathag ang imo ginapatihan sa iban.



ISA LAMANG BALA KA MAAYO NGA TAWO SI JESUS?

1 BINAGBINAGA ANG IMO MGA GINAPATIHAN

Ngaa mahimo magsabat sang indi ang iban?

Ngaa mahimo magsabat sang huo ang iban?

Ano ang *imo* ginapatihan?

Ngaa ginapatihan mo ini?

2

USISAA ANG GINATUDLO SANG BIBLIA

Importante gid nga mahibaluan naton ang kamatuoran parte kay Jesus.
(Tan-awa ang kapitulo 4 sang libro nga *Ginatudlo sang Biblia*, parapo 1-3.)

Basaha ang Juan 17:3.

Suno sa sini nga bersikulo, ang “pagkilala” kay Jesus (kag sa iya Amay) nagakahulugan sang ano para sa aton?

Basaha ang Juan 14:6.

Kon indi mo pagtun-an ang kamatuoran parte kay Jesus, makatigayon ka bala sang kabuhi nga wala sing katapusan? Ngaa?



Pareho sang mga detalye sa isa ka piktyur nga makabulig sa imo nga makilala ang isa ka tawo, ang detalyado nga mga tagna sa Biblia makabulig sa imo nga makilala ang Mesias

Si Jesus ginpadala sa duta sang iya Amay, para mangin ang ginsaad nga Mesias.

(Tan-awa ang kapitulo 4 sang libro nga *Ginatudlo sang Biblia*, parapo 4-9.)

Basaha ang Miqueas 5:2 kag Mateo 2:1, 3-6.

Paano gintuman sang pagkabun-ag ni Jesus ang tagna parte sa Isa nga Ginsaad?

Basaha ang Mateo 3:16, 17 kag Juan 1:32-34.

Ngaa kumbinsido gid si Juan nga Manugbawtismo nga si Jesus ginpadala sang Dios?

Ngaa kumbinsido ka nga si Jesus amo ang ginsaad nga Mesias?

3

IPAATHAG ANG IMO GINAPATIHAN

KON MAY MAGSILING...

Si Jesus isa lang ka maayo nga tawo nga nagkabuhi sadto.

MAHIMO KA MAGSABAT...

Husto ka nga si Jesus isa ka maayo nga tawo. Pero, nagapati ako nga indi lang sia amo sina bangod...

Ano nga bersikulo ang puede mo ipabasa sa iya?

Base sa iya pagtamod, paano mo ipaathag ina nga bersikulo?

KON MAY MAGSILING...

Si Jesus indi Mesias; ginmaniobra lamang niya ang mga hitabo para maggua nga *daw* sia ina.

MAHIMO KA MAGSABAT...

Ayhan madamo ang ugyon sina. Pero ipakita ko sa imo ang isa sa mga butang nga posible indi makontrol ni Jesus...

Ano nga bersikulo ang puede mo ipabasa sa iya?

Base sa iya pagtamod, paano mo ipaathag ina nga bersikulo?
